



1

GIPUZKOAKO LURRALDE HISTORIKOKO XEDAPEN OROKORRAK

GIPUZKOAKO FORU ALDUNDIA

OGASUN ETA FINANTZA DEPARTAMENTUA

554/2022 Foru Agindua, azaroaren 27koa, zeinaren bidez aldatzen baita abenduaren 29ko 556/2017 Foru Agindua, 187 eredua eta haren aurkezpen moduak onesten dituena.

Azken urteotan, abenduaren 556/2017 Foru Aginduak arautu du Gipuzkoako Lurralde Historikoan 187 ereduaren aurkezpena. Foru agindu horren bidez onartuta geratu ziren bai 187 eredua eta bai haren aurkezpen moduak, honako hauek aurkezteko: «Inbertsio kolektiboko erakundeen kapital edo ondarearen akzio eta partaidetzen aitorten informatiboa, eta pertsona fisikoen errentaren gaineko zergan, sozietateen gaineko zergan eta ez-egoiliarren errentaren gaineko zergan egindako atxikipenen eta konturako sarreraren urteko laburpena, akzio eta partaidetza horiek eskualdatu edo itzultzeagatik eta harpidetza eskubideak eskualdatzeagatik lortutako errentei edo ondare irabaziei dagokienez».

Oraingo foru agindu honen xedea da aipatutako foru agindua bi arlotan aldatzea: batetik, informazioa emateko epeari dagokionez, urtarrileko lehen hogeita hamar egun naturalekoa izatetik urtarril osokoa izatera igarotzen baita epea; eta, bestetik, eman beharreko informazioaren edukari dagokionez, ondoren azaltzen den eran.

Uztailaren 9ko 11/2021 Legeak, iruzur fiskala prebenitzeko eta haren aurka borrokatzeko neurriak ezarri, barne merkatuaren funtzionamenduan zuzeneko eragina duten saiheste fiskaleko praktiken aurkako araei buruzko Kontseiluaren 2016ko uztailaren 12ko 2016/1164/EB Zuzentarauaren transposizioa egin, eta zerga arau batzuk aldatzen dituenak, baldintza gehigarriak ezarri zituen, Estatuko sozietateen gaineko zergari dagokionez, kapital aldakorreko inbertsio sozietateek (SICAV delakoek) ehuneko 1eko karga tasa aplikatu ahal izan dezaten. Aldaketa horrekin batera, araubide iragankor bat ezarri zen inbertso sozietate horientzat, desegitea eta likidatzea erabakiz gero, eta haren helburua da bazkideek egindako inbertsioa inbertsio kolektiboko beste erakunde batzuetara eramanez ahal izatea, baldin eta erakunde horiek beharrezko baldintzak betetzen badituzte zerga horretan ehuneko 1eko karga tasa aplikatzeko.

Dena den, araubide iragankor hori osatu gabe geratu zen pertsona edo entitate bazkideak gipuzkoarrak diren kasurako; izan ere, bazkide horiek ez zeuden lurralde erkideko araudiaren mende, eta, beraz, horrek tributazioan eragin ditzakeen distortsioak saihesteko, Gipuzkoako Lurralde Historikoko Sozietateen gaineko Zergari buruzko urtarrilaren 17ko 2/2014 Foru Arauak xedapen iragankor bat gehitu zuen, hogeita bederatzigarrena hain zuzen, Estatuko araubide iragankor hori zergaren foru araudian sartzeko.

Beharrezkoa izanik identifikatzea likidazioan dagoen sozietateko bazkideek zein eragiketatan ez dituzten sartu behar zerga oinarrian entitatearen likidaziotik eratorritako errentak likidazioaren kuota osoa aipatutako hogeita bederatzigarren xedapen iragankorraren 1. apartatuko b) letran aurreikusitako eran eta baldintzetan berrinbertitzeagatik, behar diren aldaketak sartzen dira esandako 556/2017 Foru Aginduan.

Zehazki, 187 ereduan egiten den aldaketak honako hau dakar: «Eragiketa mota» eremuan gako berriak sortzea eta «Likidatutako edo likidazioan dagoen sozietatearen identifikazioa» eremu berria sortzea. Era berean, gako berri horiei erreferentzia egin behar dieten gainerako eremuak egokitzen dira.

Horrenbestez, hau

XEDATZEN DUT

Artikulu bakarra. Aldatzea abenduaren 29ko 556/2017 Foru Agindua, 187 eredua eta haren aurkezpen moduak onartzen dituena.

Honela aldatzen da abenduaren 29ko 556/2017 Foru Agindua, 187 eredua eta haren aurkezpen moduak onartu eta honako hauek aurkezteko erabili behar dena: «Inbertsio kolektiboko erakundearen kapital edo ondarearen akzio eta partaidetzen aitorten informatiboa, eta pertsona fisikoen errentaren gaineko zergan, sozietateen gaineko zergan eta ez-egoiliarren errentarengaineko zergan egindako atxikipenen eta konturako sarreraren urteko laburpena, akzio eta partaidetza horiek eskualdatu edo itzultzeagatik eta harpidetza eskubideak eskualdatzeagatik lortutako errentei edo ondare irabaziei dagokienez»:

Bat. 4. artikulua honela geratzen da idatzita.

«4. artikulua. 187 eredua aurkezteko epea.

187 eredua urte bakoitzeko urtarrilaren 1etik 31ra bitarte aurkeztuko da, biak barne, eta aurreko urteari dagokion informazioa jaso beharko du.»

Bi. «Eragiketa mota» eremua, hain zuzen ere, I. eranskineko 187 ereduaren erregistro diseinuen 2. motako erregistroan (eragiketaren erregistroan) 104. posizioa hartzen duena, honela geratzen da idatzita:

«—*Posizioak:* 104.

Izaera: Alfabetikoa.

Eremuen azalpena: Eragiketa mota:

Eragiketa mota adieraziko da, balio hauen arabera:

«A»: Eskurapenak, B, I edo R gakoarekin adierazi behar direnak izan ezik.

«B»: Inbertsio kolektiboko erakundearen beste akzio edo partaidetza batzuk aurrez eskualdatu edo itzultzeagatik lortutako zenbatekoen berrinbertsio diren akzio edo partaidetzen eskurapenak, lortu den ondare irabazi edo galera konputatu gabe utzi bada Pertsona Fisikoen Errentaren gaineko Zergaren Foru Arauak 48. artikulua 1. apartatuan jasotakoaren arabera, salbu eta intsuldaketa eskatzeko idatzian akziodunak edo partaideak Inbertsio kolektiboko erakundeei buruzko 35/2003 Legearen 28.2 artikuluan aipatzen den komunikazioa egin duenean.

«C»: Inbertsio funts kotizatueta partaidetzen besterentzeak (eskualdaketak edo itzulketak) edo SICAV indizeko akzio kotizatuena, Inbertsio kolektiboko erakundeei buruzko azaroaren 4ko

«E»: Besterentzeak (eskualdaketak edo itzulketak), C, F, G, H, J, P, Q edo T gakoarekin adierazi behar direnak izan ezik.

«F»: Pertsona Fisikoen Errentaren gaineko Zergaren Foru Arauaren 48. artikuluko 1. apartatuan xedatutakoa aplikatzeagatik, ondare irabazi edo galera konputatu behar ez zaien besterentzeak (eskualdaketak edo itzulketak), salbu eta intsuldaketa eskatzeko idatzian akziodunak edo partaideak Inbertsio kolektiboko erakundeei buruzko 35/2003 Legearen 28.2 artikuluan aipatzen den komunikazioa egin duenean.

«G»: «Bazkide edo partaide mota» eremuan «C» gakoarekin adierazi diren eskualdaketak edo itzulketak, barruko zein hitzartutako arau batean ezarritako salbuespena aplikatzeagatik atxikipenik izan ez dutenak foru agindu honen 5. artikuluan aurreikusitako prozedura bereziaren arabera.

«H»: «Bazkide edo partaide mota» eremuan «C» gakoarekin adierazi diren eskualdaketak edo itzulketak, atxikipena izan dutenak Ez-egoiliarren Errentaren gaineko Zergaren Foru arauaren 25.1.f).3. artikuluan aurreikusitako karga tasa aplikatuta, foru agindu honen 5. artikuluan aurreikusitako prozedura bereziaren arabera.

«I»: Inbertsio kolektiboko erakundeen beste akzio edo partaidetza batzuk aurrez eskualdatu edo itzultzeagatik lortutako zenbatekoen berrinbertsio diren akzio edo partaidetzen eskurapenak, lortu den ondare irabazi edo galera konputatu gabe utzi bada Pertsona Fisikoen Errentaren gaineko Zergaren Foru Arauak 48. artikuluan jasotakoaren arabera, intsuldaketa eskatzeko idatzian akziodunak edo partaideak Inbertsio kolektiboko erakundeei buruzko 35/2003 Legearen 28.2 artikuluan aipatzen den komunikazioa egin duenean.

«J»: Pertsona Fisikoen Errentaren gaineko Zergaren Foru Arauaren 48. artikuluko 1. apartatuan xedatutakoa aplikatzeagatik, ondare irabazi edo galera konputatu behar ez zaien besterentzeak (eskualdaketak edo itzulketak), intsuldaketa eskatzeko idatzian akziodunak edo partaideak Inbertsio kolektiboko erakundeei buruzko 35/2003 Legearen 28.2 artikuluan aipatzen den komunikazioa egin duenean.

«M»: Sozietate edo entitateen funts propioetan parte hartzea adierazten duten baloreetatik datozen harpidetza eskubideen salmenta, atxikipena aplikatu zaienean.

«P»: Inbertsio funtsen eta kapital aldakorreko inbertsio sozietateen bat-egite eragiketengatik truke bidez egindako eskualdaketak, ondare irabazia edo galera konputatu behar denean. Gako hau inbertsio kolektiboko erakunde xurgatuak jarri behar du, bat-egiteari dagokion ekitaldian, Gipuzkoako Lurralde Historikoko Sozietateen gaineko Zergari buruzko urtarrilaren 17ko 2/2014 Foru Arauaren VI. tituluko VII. kapituluan ezarritako zerga araubidea aplikatzekoa ez denean.

«Q»: Inbertsio funtsen eta kapital aldakorreko inbertsio sozietateen bat-egite eragiketetatik datozen partaidetzen eskualdaketak edo itzulketak, inbertsio kolektiboko beste erakunde batera egindako traspasoarekin zerikusia dutenak. Gako hau inbertsio funts xurgatzailearen entitate kudeatzaileak edo merkaturatzaileak jarri behar du, inbertsio kolektiboko beste erakunde batera intsuldaketa egin den ekitaldian, bi baldintza hauek betetzen badira: bat-egitearen ekitaldian Gipuzkoako Lurralde Historikoko Sozietateen gaineko Zergari buruzko urtarrilaren 17ko 2/2014 Foru Arauaren VI. tituluko VII. kapituluan ezarritako zerga araubidea aplikagarria izatea, eta intsuldaketaren ekitaldian bat-egite horren egunera arte sortutako errentari ez izatea aplikagarria Gipuzkoako Lurralde Historikoko Pertsona Fisikoen Errentaren gaineko Zergari buruzko

urtarrilaren 17ko 272014 Foru Arauaren 48.1 artikuluan jasotako zerga araubidea.

«R»: Sozietateen gaineko Zergari buruzko azaroaren 27ko 27/2014 Legearen 29. artikuluko 4. apartatuaren a) edo b) letretan aurreikusitako inbertsio kolektiboko erakundeen akzio edo partaidetzen harpidetza edo eskurapenak, SICAV sozietateen likidaziotik eratorritako kuotaren berrinbertsio direnak, baldin eta entitatearen likidaziotik eratorritako errentak ez badira sartu behar zerga oinarrian, Gipuzkoako Lurralde Historikoko Sozietateen gaineko Zergari buruzko urtarrilaren 17ko 2/2014 Foru Arauaren hogeita bederatzigarren xedapen iragankorraren 1. apartatuko b) letran araututako araubidea aplikatzeagatik.

«T»: Sozietateen gaineko Zergari buruzko azaroaren 27ko 27/2014 Legearen berrogeita batgarren xedapen iragankorrera bilduta dauden kapital aldakorreko inbertsio sozietateen likidaziotik ondorioztatutako eskualdaketa (deuseztapena), entitatearen likidaziotik eratorritako errentak zerga oinarrian sartu behar ez direnean Gipuzkoako Lurralde Historikoko Sozietateen gaineko Zergari buruzko urtarrilaren 17ko 2/2014 Foru Arauaren hogeita bederatzigarren xedapen iragankorraren 1. apartatuko b) letran araututa dagoen berrinbertsio araubidea aplikatzeagatik.

Hiru. I. eranskineko 187 ereduaren erregistro diseinuen 2. motako erregistroan (eragiketaren erregistroan) «Likidatutako edo likidazioan dagoen sozietatearen identifikazioa» eremu berria sortzen da, 242-250 posizioak hartzen dituena, eta «Zuriuneak» eremuko posizioak eguneratzen dira, jarraian zehazten den eran:

«—*Posizioak:* 242-250.

Izaera: Alfnumerikoa.

Eremuen azalpena: Likidatutako edo likidazioan dagoen sozietatearen identifikazioa.

Eragiketa mota «R» denean, eremu honetan jarriko da Zerga Administrazioak SICAV sozietateari emandako identifikazio fiskaleko zenbakia, haren likidaziotik ondorioztatutako kuotak berrinbertitu badira azaroaren 27ko 27/2014 Legearen 29. artikuluko 4. apartatuaren a) edo b) letretan aurreikusitako inbertsio kolektiboko erakundeetako akzioak edo partaidetzak eskuratu edo harpidetzeko, Gipuzkoako Lurralde Historikoko Sozietateen gaineko Zergari buruzko urtarrilaren 17ko 2/2014 Foru Arauaren hogeita bederatzigarren xedapen iragankorrean aurreikusitakoarekin bat etorritik.

— *Posizioak:* 251-500.

Izaera: Zuriuneak.»

Azken xedapen bakarra. Indarrean jartzea eta aplikatzea.

Foru agindu hau Gipuzkoako ALDIZKARI OFIZIALEAN argitaratu eta hurrengo egunean jarriko da indarrean, eta aplikagarria izango da, lehenengo aldiz, 2022ko ekitaldiari dagokionez 2023tik aurrera bete behar diren aitorten informatiboak aurkezteko.

Donostia, 2022ko azaroaren 27a.—Ogasun eta Finantza Departamentuko foru diputatua. (7440)